



Broj: 10/E-11-2932-3/24
Sarajevo, 24-05-2024 godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama ("Službeni glasnik BiH", broj 39/14 i 59/22) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisija za nabavku roba, usluga i radova I, imenovana rješenjem broj: 10-45-236/24 od 25.03.2024.godine (u daljem tekstu: Komisija I), u postupku javne nabavke: Nabavka korisničkog softvera – obnova licenci za 2024/2025 godinu - LOT 3 – Adobe, (Zapisnik broj: 10/E-11-2932-3/24 od 21.05.2024. godine), Općinski načelnik donosi:

O D L U K U **o poništenju postupka javne nabavke**

- I** Poništava se postupak javne nabavke korisničkog softvera – obnova licenci za 2024/2025 godinu - LOT 3 – Adobe, pokrenut putem otvorenog postupka, iz razloga što primljena ponuda nije prihvatljiva.
- II** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- III** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Nabavka korisničkog softvera – obnova licenci za 2024/2025 godinu -- LOT 3 – Adobe, pokrenut je Odlukom o pokretanju postupka javne nabavke, putem otvorenog postupka, uz primjenu e-aukcije, broj: 10/E-11-2932/24 od 22.04.2024. godine. Obavještenje o nabavci broj: 848-1-1-23-3-55/24 objavljeno je na Portalu javnih nabavki dana od 29.04.2024. godine. Procijenjena vrijednost javne nabavke za LOT 3 bez PDV-a iznosi 5.500,00 KM. U roku za predaju ponuda koji je određen tenderskom dokumentacijom (20.05.2024. godine do 11:00 sati), na adresu ugovornog organa dostavljena je jedna (1) ponuda i to ponuđača:

1. „EMADO“ d.o.o. Sarajevo.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristigle ponuda i nakon što je utvrđena urednost dostave, pročitana je cijena ponude, kako slijedi:

R/b	Ponuđač	Ukupna cijena (KM) bez PDV-a	Popust	Ukupna cijena (KM) sa PDV-om
1.	EMADO d.o.o. Sarajevo	8.000,00	-	9.360,00

Nakon izvršenog javnog otvaranja ponuda, na zatvorenom sastanku, Komisija I je izvršila pregled i detaljnu računsku kontrolu dostavljene ponude.

Tom prilikom Komisija I je ustanovila da je vrijednost ponude ponuđača „EMADO“ d.o.o. Sarajevo, 8.000,00 KM a procijenjena vrijednost nabavke za LOT 3 iznosi 5.500,00 KM.

Članom 2. stav (1) tačka l) alineja 2) Zakona o javnim nabavkama propisano je da je neprihvatljiva ponuda čija cijena premašuje planirana odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Dakle, neprihvatljiva ponuda je ponuda koju je ponudio ponuđač, koja ne ispunjava zahtjeve u pogledu kvalificiranosti, ali i ponuda ponuđača čija cijena prelazi planirana, odnosno osigurana novčana sredstva ugovornog organa za nabavku.

U otvorenom postupku javne nabavke i konkurentskom zahtjevu za dostavu ponuda gdje je predviđeno provođenje e-aukcije neprihvatljivost ponude se cijeni prije zakazivanja e-aukcije.

Komisija I dalje konstatuje da je u skladu sa članom 15. Zakona o javnim nabavkama ugovorni organ zasnivao računanje procijenjene vrijednosti ugovora o javnoj nabavci na ukupnom iznosu koji će platiti, bez poreza na dodatu vrijednost.

U skladu sa članom 17. stav (2) tačka h) Zakona o javnim nabavkama procijenjena vrijednost nabavke je mandatoran podatak svake pojedine nabavke obuhvaćene planom nabavki.

Objavom tenderske dokumentacije na Portalu javnih nabavki omogućeno je svakom potencijalnom ponuđaču da, pored ostalih bitnih podataka vezanih za konkretnu nabavku, sazna podatak o procijenjenoj vrijednosti nabavke, te da u skladu sa istom formira cijenu svoje ponude koja ne premašuje iznos procijenjene vrijednosti (bez PDV-a) konkretne nabavke.

U skladu sa naprijed navedenim članom 2. stav (1) tačka l) alineja 2) Zakona o javnim nabavkama Komisija I je, nakon kompletnog pregleda, ponudu ponuđača „EMADO” d.o.o. Sarajevo **kao neprihvatljivu** isključila iz daljeg postupka i ista nije bila predmetom ocjene i evaluacije.

Odredbom člana 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

U skladu sa svim naprijed navedenim, Komisija I je na sjednici održanoj dana 21.05.2024. godine jednoglasno donijela odluku da Općinskom načelniku predloži da na osnovu člana 69. stav (2) tačka d) Zakona o javnim nabavkama („Službeni glasnik BiH”, broj 39/14 i 59/22) donese odluku o poništenju postupka javne nabavke: **Nabavka korisničkog softvera – obnova licenci za 2024/2025 godinu - LOT 3 – Adobe**, o čemu je sačinila Zapisnik o pregledu i ocjeni ponuda broj: 10/E-11-2932-3/24 od 21.05.2024. godine.

Općinski načelnik u postupku predmetne nabavke nije našao razloge niti nepravilnosti u radu Komisije I koji bi bili osnov za neprihvatanje prijedloga Komisije, te je u skladu sa članom 70. stav (1) Zakona o javnim nabavkama donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, Filijala/Podružnica Mostar, putem ugovornog organa (Općina Centar Sarajevo), najkasnije u roku od 10 (deset) dana od dana prijema ove Odluke, a shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka propisana je članom 108. stav (1) tačka c) Zakona o javnim nabavkama BiH. Žalba se podnosi u dovoljnom broju primjerska, a koji ne može biti manji od 3 (tri).

Prilog: Zapisnik o pregledu i ocjeni ponuda
broj: 10/E-11-2932-3/24 od 21.05.2024. godine



Dostaviti:

1. "EMADO" d.o.o. Sarajevo, ulica Azize Šaćirbegović broj 112, 71000 Sarajevo
2. Kabinetu općinskog načelnika - Odsjeku za javne nabavke
3. Kabinetu općinskog načelnika - Odsjeku za informatiku
4. Evidenciji
5. U spis